

Na osnovu člana 133. stav (6) Zakona o prostornom uređenju i građenju («Službene novine ZDK», broj: 1/14) pomoćnica načelnice u Službi za urbanizam, stambeno-komunalne poslove i katastar nekretnina općine Visoko objavljuje

**JAVNI OGLAS**  
**za podnošenje prijava za učešće u radu komisija za tehnički pregled**  
**građevina izgrađenih na području općine Visoko**

I

Pozivaju se zainteresovana lica da podnesu prijavu za učešće u radu komisija za tehnički pregled građevina izgrađenih na području općine Visoko i to iz slijedećih oblasti i struka:

- arhitekture,
- građevinarstva,
- elektrotehnike (elektroenergetika),
- mašinstva,
- geodezije,
- saobraćaja,
- zaštite od požara i eksplozija,
- zaštite na radu,
- tehnologije i kontrole sanitarnih uslova.

II

Na javni oglas mogu se prijaviti lica odgovarajućih struka koja ispunjavaju uslove utvrđene u članu 133. stav (4) Zakona o prostornom uređenju i građenju («Službene novine ZDK», broj: 1/14), odnosno – diplomirani inženjeri odgovarajuće struke, sa pet godina radnog iskustva u struci i sa položenim stručnim ispitom.

III

Članovi komisije ne mogu biti službena lica koja su učestvovala u postupku izdavanja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta.

IV

Tehnički pregled obavlja komisija koju rješenjem imenuje nadležna općinska služba koja je izdala odobrenje za građenje, u roku od najkasnije osam dana od dana prijema potpunog zahtjeva za izdavanje odobrenja za upotrebu. Komisija se sastoji od najmanje tri člana, a broj članova komisije i njihov sastav zavisi od vrste i složenosti građevine i od vrste radova koje komisija pregleda. Članovi komisije, u svakom pojedinačnom predmetu, imenuju se sa liste kvalifikovanih stručnjaka.

V

Uz prijavu na javni oglas, sa kraćom biografijom, neophodno je navesti - tačnu adresu, broj telefona, naziv poslovne banke i broj transakcijskog računa, te priložiti slijedeću dokumentaciju:

1. ovjerenu kopiju diplome,
2. ovjerenu kopiju uvjerenja o položenom stručnom ispitu,
3. dokaz o radnom iskustvu u struci-original ili ovjerenu kopiju,
4. kopiju lične karte,
5. potpisanu i ovjerenu izjavu kojom podnosilac izjavljuje da će blagovremeno, pisanim putem, obavijestiti nadležnu općinsku službu-Službu za urbanizam, stambeno-komunalne poslove i katastar nekretnina o svom izuzeću u slučajevima iz člana 133. stav (5) Zakona o prostornom uređenju i građenju («Službene novine ZDK», broj: 1/14), odnosno tačke III ovog javnog oglasa.

VI

Prijave se podnose, u roku od 15 dana od dana objavljivanja u dnevnom listu «Oslobodjenje», neposredno na protokol Općine Visoko ili putem pošte na adresu: Općina Visoko, Služba za urbanizam, stambeno-komunalne poslove i katastar nekretnina, ul.A.Izetbegovića 12A, 71300 Visoko, sa naznakom-Za javni oglas za tehnički pregled građevina-ne otvarati.

Neblagovremene i nepotpune prijave neće se razmatrati.

Dokumentacija priložena uz prijavu ostaje u internoj evidenciji i ne vraća se podnosiocu.

Prilog javnog oglasa je Pravilnik o izmjeni Pravilnika o postupku i načinu obavljanja tehničkog pregleda građevina, troškovima vršenja tehničkog pregleda i načina plaćanja članova komisije za tehnički pregled, broj: 01/2-02-1444/14 od 23.12.2014.godine.

## VII

Nadležna općinska služba imenovat će stručnu komisiju koja će izvršiti provjeru ispunjavanja uslova iz javnog oglasa i sastaviti listu kvalifikovanih stručnjaka koja će se objaviti na oglasnoj ploči i web stranici Općine Visoko, najkasnije u roku od 30 dana od dana zaključenja javnog oglasa.

## VIII

Lista kvalifikovanih stručnjaka važi dvije godine od dana objavljivanja, nakon čega se ponovo sprovodi javni oglas.

POMOĆNICA NAČELNICE  
Nidžara Hadžiomerović, dipl.ing.arh.

Na osnovu člana 33. Statuta općine Visoko („Službeni glasnik općine Visoko“, broj: 1/11 i 8/13), Općinska načelnica Visoko d o n o s i

## PRAVILNIK

o izmjeni Pravilnika o postupku i načinu obavljanja tehničkog pregleda građevina, troškovima vršenja tehničkog pregleda i načina plaćanja članova komisije za tehnički pregled

### Član 1.

U Pravilniku o postupku i načinu obavljanja tehničkog pregleda građevina, troškovima vršenja tehničkog pregleda i načina plaćanja članova komisije za tehnički pregled, broj: 01/2-02-106/7 od 15.2.2007.godine, član 4. mijenja se i glasi:

### „Član 4.

Troškovi vršenja tehničkog pregleda obračunavaju se u neto iznosu na slijedeći način:

- pomoćni i gospodarski objekti za vlastite potrebe.....18,00-30,00 KM po članu
- individualni stambeni objekti do 100 m<sup>2</sup> korisne površine.....24,00-48,00 KM po članu
- individualni stambeni objekti od 100 m<sup>2</sup>-200 m<sup>2</sup> korisne površine.....48,00-60,00 KM po članu
- individualni stambeni objekti preko 200 m<sup>2</sup> korisne površine.....60,00-90,00 KM po članu
- vikend objekti.....42,00-60,00 KM po članu
- stambene zgrade po stambenoj jedinici.....18,00 KM po članu
- stambeno-poslovni objekti do 100,00 m<sup>2</sup> korisne površine.....60,00-120,00 KM po članu
- stambeno-poslovni objekti od 100-300 m<sup>2</sup> korisne površine.....90,00-180,00 KM po članu
- stambeno-poslovni objekti od 300-500 m<sup>2</sup> korisne površine.....150,00-240,00 KM po članu
- stambeno-poslovni objekat preko 500 m<sup>2</sup> korisne površine.....210,00-300,00 KM po članu
- poslovni i proizvodni objekti do 100 m<sup>2</sup> korisne površine.....60,00-120,00 KM po članu
- poslovni i proizvodni objekti od 100 m<sup>2</sup>-500 m<sup>2</sup> korisne površine.....120,00-180,00 KM po članu
- poslovni i proizvodni objekti preko 500 m<sup>2</sup> korisne površine.....180,00-300,00 KM po članu
- infrastruktura do 50.000 KM investicione vrijednosti - od 0,3% do 0,9% investicione vrijednosti objekta po članu
- infrastruktura od 50.000 KM-150.000 KM investicione vrijednosti objekta - od 0,9% do 1,5% investicione vrijednosti ukupno za članove komisije
- infrastruktura preko 150.000 KM investicione vrijednosti - od 1,5% do 1,8% investicione vrijednosti objekta ukupno za članove komisije
- postrojenja (po postrojenju).....120,00-180,00 KM po članu.

Podnosilac zahtjeva je dužan na propisane iznose uplatiti pripadajuće poreze i doprinose u skladu sa pozitivnim propisima.“

### Član 2.

Ovaj pravilnik stupa na snagu danom donošenja.

Broj: 01/2-02-1444/14  
Datum, 23.12.2014. godine

OPĆINSKA NAČELNICA VISOKO  
mr.sci. Amra Babić

